

Desaster di Horcan ta muestra cu

Mester reorganiza DOW despues di añanan di mal planificacion

ORANJESTAD(AAN) Awa seroe pisa a pone cu mayoria riool, canal di awa, rooi y tur loke cu tin di haci cu awa cu mester haya caminda pa bay pa laman a tranca mahos y a causa dañonan enorme cu por a worde evita.

Pa añanan largo terenonan erfpacht a worde otorga pa traha cas y tambe pa traha negoshi na lugarnan cu no tabata y ainda no ta adecuado pa construccion di cas of edificio.

Esaki no ta un asunto di ultimo tres aña, pero di basta aña caba y asina mes cu nos no a haya un influencia berdadero di horcan, ta worde bisa cu awor cu e baca a hoga gobierno lo bay trata na haci algo, corda si ta horcan mes a pasa riba Aruba anto ta con nos a keda?

Den pura gobierno hunto cu DOW a core trata na duna splicacion na pueblo encunto problemanan grandi cu tabata tin cu awa seroe cu no tabata tin caminda pa bay, pero no tabata tin un solo alma riba e isla aki cu a haci pregunta encunto con bin cu e situacion a yega asina leu y kende tabata esnan responsabel pa loke a pasa.

Ministro Marsil Tromp a hereda e problema aki for di tur otro ministro cu a yega di ocupa e puesto caminda cu DOW tabata den nan caretera y esaki ta conta tambe pa e gobiernonan anterior di MEP y ta pesey tabata ridiculo pa tende prome ministro Oduber bisa cu ningun gobierno a pone atencion na

infraestructura manera cu awor si ta e caso, lubidando of haciendo como si fuera cu MEP no a yega di goberna den pasado.

Gobiernonan di MEP cu a sinta tambe ta responsabel pa e mal infraestructura cu a worde crea riba nos isla.

Politiconan ta bin y ta bay pero DOW ta keda y ta pesey mester bin un investigacion y evaluacion grandi den DOW mes pa saca afor ta kende tabata e genionan cu a laga cos bay for di man pasobra no por ta asina cu awor ta djis bisa cu e gobierno anterior no a haci algo pa infraestructura siendo cu DOW ta e prome yama pa duna cuenta y tambe para responsabel pa loke a pasa.

Ministerionan ta carga responsabilidad politico y gubernamental, pero esaki no kiermen cu esnan den DOW cu mester tabata sa mihor awor por laba man y tira tur culpa den e seno politico.

Kende tabata e hefenan di departamentonan of

seccionnan den DOW cu tabata duna permit of aproba pa terenonan cu no tabata apto pa construccion pa tog laga hende traha cas riba nan?

Cualquier hende cu a haya

tereno caminda cu no ta apto pa traha cas awor por scoge pa bay corte y lanta caso contra pais Aruba pasobra DOW a duna nan tereno cu no tabata adecuado siendo cu DOW su tarea ta pa controla

esaki y pa trata na evita cu infraestructura di Aruba no para bira un tutu manera cu awor tur hende a bin haya sa.


Pa basta aña caba tin critica

Sigui lesa Pg. 4



E ARCA DI PADRU LAMPE!!

BIN CHO CHO, BIN, PADER LAMPU TA SCAPANDO TUR ALMA AKI NA MADIKI CU NO POR VOTA!!



BEST DEAL

Tel: 5827050

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

**Lock pa porta
30% OFF**

FORGEOPREP
ARED
HANDLEBAR
LOCK